



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 43. De Tertio verbo.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

lus, vt tempore passionis, quo nullam neque diuinam neque humanam volebat admittere consolationē, hoc tamen solatij sibi seruarit, vt peccatorem vnum conuerteret. Itaque si rem gratam Domino præstare volumus, omnibus viribus cum ipso laboremus in reuocandis ad salutem peccatoribus.



MEDITATIO XLIII.
DE TERTIO VERBO
AD MATREM.

PUNCTA MEDITATIONIS.

- I. *Stabat iuxta crucem mater eius, cū Ioan. 19. Maria Cleopha & Magdalena.*
- II. *IESVS videns Matrem cum Ioanne ait: Mulier ecce filius tuus.*
- III. *Deinde Discipulo: Ecce Mater tua; & ex illa hora accepit eam Discipulus in sua.*

F I G U R A.

NOemi vidua mortis inter Moabitas filijs suis, redijt in patriam Bethleē. Cum autem salutaretur ab alijs mulieribus; respondit: Nolite me vocare Noemi, id est, pulchram; sed vocate me Mara, id-

ra, id est, amaram quia : amaritudine repleuit me vehementer Dominus.

PROPHEZIA.

Luc. 2. **E**CCĒ positus est hic in ruinam & in resurrectionem multorum in Israel, & in signum cui contradicetur, & tuam ipsius animam pertransibit gladius.

DOCUMENTA.

1. **M**ARIA & Ioannes, qui apud Christi primi erant in amore, stabant ad pedem crucis, non sedebant. Saluti nequaquam sufficit propè crucem Christi esse, & ocium agere, non nostræ negligentia somnum dormire; sed necesse est stare erectos, & pugnare aduersum tentationes, aliis auxilio esse, & Christum in rebus asperis perferendis imitari.
2. Si Christi charitatem imitari volumus, hominum miserorum & afflictorum misereri debemus, quod si aliud non licet, adiuuandi saltem sunt precibus, consilio, commendatione ad eos, qui solatio aut auxilio esse possint.
3. Matrem Virginem Ioanni Virgini commendat Christus. Ne speremus assecuturos nos intimam illam deuotionem erga Dominam nostram, neque dignos futuros tali Matre, nisi puritatis amantes simus.
4. Si sub Ioannis nomine omnes nos filios, dedit Matri suæ: par est vt eam amemus, eiq; vt obediens filii seruiamus: ad ipsam vt ad veram matrem confugientes, in tentationibus & angustis rebus.

5. Chri-

5. Christus in cruce alloquens Matrem, non Matrem sed mulierem vocat. Vt doceret religiosos qui mundo mortui, cum Christo crucifixi sunt per obedientiam, obliuisci debere in terra Patrem & Matrem.

6. Si semel concessam ad tempus nobis gratiam deinde subtrahat Deus, non decet querelis & morositati dare, neq; cessare à seruitio & honore ipsius quietos, sed Matrem filio orbatam potius imitari.

2. Non commendat matrem suam Ioanni Christus, cum ab illa discederet, primum ad mortem, ne quidem in vltima coena; sed cum ambo adstarent ad crucem. Cum enim ex amicis ei vellet illam tradere, qui esset certissimus; tum clare cognitum est, Ioannem esse fidelem in amicitia, cum omnibus turpi fuga lapsis, solus repertus est Ioannes, qui vna cum matre sub cruce adstaret. Veros amicos & seruos Christi crux discernit, id est, tentationum & tribulationum tempus tum qui constantiam seruant, nec à recto discedunt, illi demum veri sunt amici Christi, & filii Matris ipsius.



MEDITATIO XXXXIV.
DE QVARTO VERBO.

PVNCTA MEDITATIONIS.

I. Ab hora 6. vsque ad 9. facta sunt tenebra super terram.

Mat. 27

Mar. 15.

II. Circa 9. Iesus voce magna clamauit:

Luc. 23

O 6

Heli,